



REPUBLIKA E SHQIPERISE
BASHKIA KAVAJË

Nr. _____ prot.

Kavajë, më _____.2025

PROJEKT-VENDIM

Nr. _____ datë _____. 2025

“PËR NDRYSHIMIN E VKB NR 68, DATË 23.12.2024 “PËR MIRATIMIN E BUXHETIT VJETOR 2025 DHE PBA 2025-2027, PËR NDRYSHIMIN E NUMRIT TË PËRGJITHSHËM TË PUNONJËSVE”.

Në mbështetje të nenit 8 pika 2, nenit 9, pika 1, nën pikat 1.1 shkronja “b”, pika 1.3 shkronja “c” nenit 41, pika 1, neni 54, shkronjat “ç” dhe “dh”, nenit 55, pikat 3 dhe 6, të ligjit nr. 139/2015, “Për vetëqeverisjen vendore”, të ndryshuar, ligjit nr. 44/2015, “Kodi i Procedurave Administrative i Republikës së Shqipërisë”, ligjit nr.7961, datë 12.07.1995, “Kodi i Punës i Republikës së Shqipërisë”, të ndryshuar; nenit 6, shkronjat “ç” dhe “d”, nenit 33, pika 1, nenit 39, pika 1, nenit 40, nenit 41, pika 1 dhe 3 të ligjit nr. 68/2017, “Për financat e vetëqeverisjes vendore”, neneve 6, 15, 17 dhe 32, të ligjit nr. 9936, datë 26.06.2008 “Për menaxhimin e sistemit buxhetor në Republikën e Shqipërisë” të ndryshuar, Kryetari Bashkisë i propozon Këshillit Bashkiak që në mbledhjen e radhës:

TË VENDOSI:

1. Ndryshimin e VKB nr 68, datë 23.12.2024 “Për miratimin e buxhetit vjetor 2025 dhe PBA 2025-2027”, përsa i përket numrit të përgjithshëm të punonjësve sipas tabelës nr. 6 të VKB nr 68.
2. Numrit të përgjithshëm të strukturës aktuale, ti shtohen edhe 18 (tetëmbëdhjetë) punonjës.
3. Efektet buxhetore janë të miratuara në VKB nr. 06, datë 25.02.2025 “Për rishikimin e buxhetit vjetor 2025 dhe PBA 2025-2027.
4. Për zbatimin e këtij vendimi ngarkohet Drejtoria e Burimeve Njerëzore dhe Drejtoria e Burimeve Ekonomike.
5. Ky vendim hyn në fuqi sipas përcaktimeve të pikës 6, të nenit 55, të ligjit nr. 139/2015, “Për vetëqeverisjen vendore”, të ndryshuar.

DREJTORIA E BURIMEVE NJERËZORE DHE SHËRBIMEVE MBËSHTETËSE

Frida Gjuzi

DREJTORIA LIGJORE

Helidon Plaku

DREJTORIA E BURIMEVE EKONOMIKE

Albi Lushkja

SEKRETAR I KËSHILLIT BASHKIAK

Meri Biturku

KRYETARI
P/FISNIK QOSJA

Genci





REPUBLIKA E SHQIPERISE
BASHKIA KAVAJË

Nr. _____ prot.

Kavajë, më _____, 2025

RELACION

“PËR NDRYSHIMIN E VKB NR 68, DATË 23.12.2024 “PËR MIRATIMIN E BUXHETIT VJETOR 2025 DHE PBA 2025-2027, PËR NDRYSHIMIN E NUMRIT TË PËRGJITHSHËM TË PUNONJËSVE”.

Nisur nga nevojat që ka institucioni për të ushtruar autoritetin e tij në interesin e publikut vendor, për kryerjen e funksioneve dhe ushtrimin e kompetencave, duke u bazuar edhe në disa ndryshime ligjore të cilat kërkojnë detyrimisht numrin e përcaktuar të punonjësve, nevojitet shtimi i punonjësve konkretisht sipas shpërndarjes në disa drejtori dhe konkretisht:

Në drejtorinë Ligjore duhet të shtohet një jurist dhe një inxhinier IT.

Në drejtorinë e Shërbimit Social duhet të shtohet një psikologe dhe një logoped.

Në Drejtorinë e Cerdheve dhe Qendrës Ditore të Fëmijëve me Aftësi të Kufizuar, duhet të shtohet një edukatore në Cerdhen e Njesisë Administrative Luzi Vogël, dy edukatore në cerdhen e Njesisë Administrative Golem, në cerdhen që do të hapet si rezultat i mbingarkesës në cerdhen ekzistuese, nuk ka shtesë për edukatore, por duhet shtuar një kuzhinier, një ndihmës kuzhinier, një sanitare dhe një roje.

Në Drejtorinë e Shërbimeve duhet të shtohen pesë punonjës shërbimesh kryesisht për kryerje të shërbimeve në zonën turistike.

Në Drejtorinë e Trashëgimisë Kulturore, Zhvillimit të Turizmit dhe promovimit të qytetit duhet të shtohen dy punonjës.

Ndaj sa më lart, në mbështetje të nenit 8 pika 2, nenit 9, pika 1, nënparagrafi 1.1 shkronja “b”, pika 1.3 shkronja “c” nenit 41, pika 1, neni 54, shkronjat “ç” dhe “dh”, nenit 55, pikat 3 dhe 6, të ligjit nr. 139/2015, “Për vetëqeverisjen vendore”, të ndryshuar, ligjit nr. 44/2015, “Kodi i Procedurave Administrative i Republikës së Shqipërisë”, ligjit nr. 7961, datë 12.07.1995, “Kodi i Punës i Republikës së Shqipërisë”, të ndryshuar; nenit 6, shkronjat “ç” dhe “d”, nenit 33, pika 1, nenit 39, pika 1, nenit 40, nenit 41, pika 1 dhe 3 të ligjit nr. 68/2017, “Për financat e vetëqeverisjes vendore”, neneve 6, 15, 17 dhe 32, të ligjit nr. 9936, datë 26.06.2008 “Për menaxhimin e sistemit buxhetor në Republikën e Shqipërisë” të ndryshuar, me propozimin e Kryetarit të Bashkisë të drejtohet Këshillit Bashkiak që në mbledhjen e radhës:

TË VENDOSI:

1. Ndryshimin e VKB nr 68, datë 23.12.2024 “Për miratimin e buxhetit vjetor 2025 dhe PBA 2025-2027”, përsa i përket numrit të përgjithshëm të punonjësve sipas tabelës nr. 6.
2. Numrit të përgjithshëm të strukturës aktuale, ti shtohen edhe 18 (tetembedhjetë) punonjës.

DREJTORIA E BURIMEVE NJERËZORE DHE SHËRBIMEVE MBËSHTETËSE

Frida Gjuzi

DREJTORIA LIGJORE

Helidon Plaku

DREJTORIA E BURIMEVE EKONOMIKE

Albi Lushkja

SEKRETAR I KËSHILLIT BASHKIAK

Meri Biturku

**KRYETARI
PËR FUSHTIM QOSJA**

Genci Gjuzi





REPUBLIKA E SHQIPËRISË

BASHKIA KAVAJË

DREJTORIA E ÇERDHEVE DHE QENDRES DITORE TE FEMIJEVE ME AFTESI TE KUFIZUAR "NGJYRAT E JETES"

Nr _____ Prot

Kavajë me ____ / ____ /2025

Drejtuar: Këshillit Bashkiak Kavajë

Nga: Drejtoria e Çerdheve dhe Qendrës Ditore për Fëmijët me Aftësi të Kufizuara

Lënda: Kërkesë për hapjen e një çerdheje të re dhe shtesë personeli në institucionet ne varesi te kesaj drejtorie.

1. Hyrje

Në kuadër të përmirësimit të shërbimeve të kujdesit dhe edukimit për fëmijët e moshës 0-3 vjeç , si dhe të mbështetjes së fëmijëve me aftësi të kufizuara, Drejtoria e Çerdheve dhe Qendrës Ditore për Fëmijët me Aftësi të Kufizuara ka kryer një analizë të gjendjes aktuale të institucioneve përkatëse në territorin e Bashkisë Kavajë.

Nga kjo analizë është konstatuar se Çerdhja Nr. 1 Kavajë po përballët me mbingarkesë të ndjeshme të numrit të fëmijëve, përtej kapacitetit fizik dhe stafit ekzistues; ndërkohë që Çerdhja e Golemit dhe Çerdhja e Luzit të Vogël, megjithëse janë konceptuar dhe ndërtuar brenda godinave të kopshteve përkatëse, nuk funksionojnë aktualisht për shkak të mungesës së stafit, ndonëse kanë tashmë fëmijë të regjistruar dhe janë plotësisht të përgatitura për nisjen e veprimtarisë.

2. Gjendja aktuale

- Çerdhja Nr. 1 Kavajë: aktualisht e mbingarkuar me fëmijë përtej kapacitetit.
- Çerdhja e Golemit: godinë funksionale, pjesë e kopshtit, me fëmijë të regjistruar, por pa staf aktiv.

- Çerdhja e Luzit të Vogël: në të njëjtën situatë, me strukturë të përgatitur dhe regjistrime të kryera, por pa staf aktiv.



3. Propozimi për hapjen e Çerdhes Nr. 2 Kavajë

Për të përmbushur nevojat e komunitetit dhe për të lehtësuar mbingarkesën e Çerdhes Nr. 1, propozohet hapja e Çerdhes Nr. 2. Cerdhja nr 2 do të krijohet duke realizuar një ndarje të stafit dhe fëmijëve të Cerdhes nr 1. Godina e Cerdhes nr 2 ndodhet në territorin e qytetit të Kavajës, në një objekt ekzistues të përshtatshëm për këtë qëllim, object I cili ka funksionuar disa vite me pare si cerdhe e qytetit (Adrese: Ish-Cerdhja prane pallateve Parafabrikate). Kjo çerdhe e re do të ketë kapacitet pritës për fëmijet e lagjeve 3-4-5-6 të qytetit, duke siguruar kushte të përshtatshme mësimore dhe zhvillimore sipas standardeve kombëtare.

4. Kërkesë për shtesë personeli në çerdhe

Për të siguruar funksionimin e rregullt të çerdhes së re ,kërkohet shtesa e 7 punonjësve të rinj, si vijon:

- Për Çerdhen Nr. 2 (Kavajë):

- 1 (një) Kuzhinieri
- 1 (një) Ndihmëskuzhinieri
- 1 (një) Sanitare
- 1 (një) Roje

- Për Çerdhet e Golemit dhe Luzit të Vogël:

- 2 (dy) KujdestarepërÇerdhen e Golemit
- 1 (një) KujdestarepërÇerdhen e Luzit të Vogël

Shënim: Çerdhet e Golemit dhe Luzit të Vogël janë tashmë pjesë e godinave të kopshteve përkatëse, me fëmijë të regjistruar. Funksionalizimi i tyre kërkon vetëm emërimin e stafit të nevojshëm, pasi infrastruktura dhe pajisjet bazë janë të përgatitura e cila aktualisht funksionon si Kopesht-Cerdhe.

5. Kërkesë për shtesë personeli në Qendrën Ditore të Fëmijëve me Aftësi të Kufizuara Kavajë

Për të përmirësuar cilësinë e shërbimeve që ofrohen në Qendrën Ditore për Fëmijët me Aftësi të Kufizuara, kërkohet shtesa e 2 specialistëve profesionalë si më poshtë:

1. 1 (një) Psikologe – për ndjekjen dhe mbështetjen emocionale, zhvillimore dhe sociale të fëmijëve dhe familjeve të tyre.
2. 1 (një) Logopede – për trajtimin dhe zhvillimin e aftësive të komunikimit, gjuhës dhe të folurit.

6. Përfundime dhe rekomandime

Bazuar në analizën e mësipërme, Drejtoria e Çerdheve dhe Qendrës Ditore për Fëmijët me Aftësi të Kufizuara rekomandon që Këshilli Bashkiak Kavajë të miratojë:

1. Hapjen e Çerdhes Nr. 2 në territorin e Bashkisë Kavajë.
2. Shtesën e 7 punonjësve të rinj për çerdhet (në Kavajë, Golem dhe Luz i Vogël).
3. Shtesën e 2 specialistëve (Psikologe dhe Logopede) për Qendrën Ditore të Fëmijëve me Aftësi të Kufizuara.

Drejtoria e Çerdheve dhe Qendrës Ditore për Fëmijët me Aftësi të Kufizuara

DREJTORI

Romina KALA

